

www.BibleForChildren.org

Nan. 3



Ataṅka nuweṅ Ewa anaikiamiayi.
Éwasha ashí aentsu nukurí átin
asamtai tú anaikiamiayi.



Kame Uunt Yus ashí yajasman
najankamia nuyá_ ná pikia ti
anermauyayi. Nisha nuwañ jearí
aníak “¿Nekasañ Yus ashí numí neré_
yúashtiniaitrome turammarum?”
tímiayi.



Tutai nuwasha
áimiuk “Kame ajanam
ashí numí neré_írunna
juka yúatniuitji antsu
numi ajapén wajana au nere yúatniunka
suritramkaitji. ‘Au nerenka yuáwairap tura
ántsarmek antiñkairap jákairum’ Yus
turammaji” tímiayi.



Tutai napisha
nuwaṅ chichareak
“Nekaschaiti.
Jákashtatrume.

Antsu atumsha nú numí neré_yúarmeka
pénkera nu tura yajauchia nusha Yus
nékana nujai_métek paant nekaattarme.
Núnaka Yus nékawai.

Tuma asamtai
suritramkaitrume”
tímiayi.



Tutai nuwasha nú numí neren ii wajas
yai yai ajakmiayi. Tumá wajas “Nekas
íi ajamainti. Juṇa yuantka mash neka
ajasaintjiai” tusa akak yuá áishrincha
nijiai wajamia nuna ajamsamiayi.



Túram áishriṣha yuámiayi. Nuna
yukamá shintiá áintsar misú pujamun
paant nekaamawarmiayi. Túrunawar
ikiu numi nukeṇ aparar
itipruáwarmiayi.





Nuyá_Yus

Ataᅇkan untsúak “¿Tui_pujam?”

tímiayi. Tutai áishmaᅇ áimiuk “Ame winiamun antukan
misú asan ashamakun umprukjame” tímiayi.





Tutai Yus aníak

“¿Ya misuwitme turama? Wi
chicharkun ‘Numí neré_yuáwaip’ tímiajmena nu
¿yúachumek?” tímiayi.



Tutai áishmaṅsha chichaak “Nuwa_ wijaí_ tsaniṅ
pujusat tusam surusmamna nu, ju_ numí neren_ yuá
ajamprusmatai yuajai” tímiayi.

Nuyá_ Uunt Yus nuwaṅ aníak “¿Urukamtai
ántutskesha yuam?” tímiayi. Tutai
nuwaṅsha ayak “Napi anaṅkruamtai
yuajai” tímiayi.





Tuma asamtai Uunt Yus nuna
túrunawarain tusa Ataŋkan Eten
ajanmaya_jiiki_akupkámiayi.
Nuŋkajai najanamu asamtai
nuŋká takakmasat tusa
túramiayi.






Tura Ataŋkan jiki akupak Eten aja
tatainmaani Uunt Yus ni suntarin
awajtúsarmiayi. Tura puyá atsakamu
keá ayantak péper ajakajá jintin
akirtuat tusa ikiusmiayi. Kame
iwiaaku pujutai
numiniamjearain
tusa túramiayi.



Nuyá Atanka nuwejai tsaniñmia nui nuwēsha
ajaprukmiayi. Tura uchin iwiairīn Káinian takusmiayi.
Takus chichaak “Yus surusu asamtai uchi áishmañkan
takusjai” tímiayi. Tura ukunam nuna patain Awiran
takusmiayi. Awirsha tsakar murikiun
wáinniuyayi tura Kainkia
ajan takauyayi.




Tura ukunam Kainkia Uunt Yusan susataj tusa ni takatrínian juukmia nuna jurukmiayi. Antsu Awirka ni murikrí penkerin nuérman Uunt Yusan susataj tusa jurukmiayi. Tura Yus nuna iis Awirnaka péñker enentáimtusmiayi tura susamuríncha “pénkeraiti” tímiayi.



Antsu Káinnaka péñker enentáimtuschamiayi tura
susamuriñcha “péñkeraiti” tíchamiayi. Tuma asamtai
Kainkia ti kajek nusháa iira ajasmiayi.



Nuna túrawar iniaṅkasar Kain ni yachí Awiran chichareak “Iijai ajanam wetái” tímiayi. Tura ajanam jeawar Kain ni yachiṅ Awiran mámiayi.



Nuyanka Uunt Yus Káinian aníak “¿Ame yátsum Awirsha tui_pujá?” tímiayi. Tutai Kain ayak “Cha, nékatsjai. Antsu wíkiaitiaj winia yatsurun wáinniuna” tímiayi. Tura Kainkia Yusjai_chichasmia nuyá_jiinkí_Nuut nuṅkanam Etennumianka etsa_jintiainmaani_ana nui_pujustaj tusa wémiayi.



Nuyá_ ataksha Ataᅇka nuarí_ Ewa ajapruk áishmaᅇkan takusmiayi. Tura enentáimias Kaincha yachin Awiran maa asamtai yamaikia chíkich uchin Awira patain Yus surusai tusa Set anaikiamiayi.




Tura Sétan yajutmarmia nuyá_ Ataṅ 800 uwí pujumia nui_ uchin áishmaṅnasha nuwaṅcha yajutmakmiayi. Kame ashí iruram Ataṅka 930 uwí pujus jakamiayi.



Tura Uunt Yus aentsu tunaarí_nunká piakmia
nuna wainkiamiayi. Núnisaṅ aya
yájauchiniak túratniun enentáimtiarmia
nunasha paant nekaamiayi.



“Shuaran Wi najankamijaj nunasha tura ashí
yajasmancha tañkuncha japinias nunká
yujá ainia nunasha ántsañ ashí
nanamtinniasha yamaikia amuktájai.
¿Urukamtaik aentsnasha
najankayaj?” tímiayi
Uunt Yus.



Antsu Nuwaikia Uunt Yus íismaka péñker túriniuyayi. Nuwái uchirí_ menaint ármiai, ni naari_ Sem, Kaam nuyá_ Jajet.



Yuska ashí
shuaran ti anea asa, ni Uchirín chikichik
ana nuna shuaran uwentikrarat tusa
tsaṅkatkamiayi. Tuma asa ashí shuar
Niin enentáimtana nu, jinium wécharat
tusa antsu Yusaj_tuke iwiaaku
pujusárat tusa ni Uchirín
akuptúrmakmiaji.



Rum. 3:23 Túrasha ashí shuarti tunáa túraitji. Tuma asar Yusa shíirmariya_ tímianu ajastin penké jeatsji.

Rum. 6:23 Tunáa takarkumka tuke jákatniun akirmáktatui. Antsu Yuska iikia takaatsrinin_ penké ántar tuke iwiaaku pujustinian suramsattaji. Ii Uuntri_ Jesukrístujai_ tsaniñkia pujá asakrin nuna túrutmattaji.

Isr. 9:27 Ashí shuarsha chikichkí jakar nuyá_ ni túrukarman Yusai_ nekamatin áiniawai.

Ipi. 2:8,9 Jesukrístu nekas enentáimta asakrumin Yus waitnentramar uwemtikrampraiti. Ju_ka átumkeka túrunachuitrume. Antsu Yuska Niñki kuítchajai_ suramsaitrume. Shuar ni takatríjia_ uwempratniuitkiun_ka nañkamantu enentáimsainti winia kakarmarjai_ uwemprajai_ tusa. Nu enentáimsatniuka atsutí tusa Yuska átumka takaatsrumnin_ uwempratniun suramsamiarme.



Rum. 10:9,10 Yus Jesusan jakaan iniantkímia nu nekasaiti tu enentáimtakum tura wénumjai “Jesus winia Úuntruiti” tákum uwemprattame. Kame enentáimjjai Kristu nekas Yusa uchirínti tu nekas enentáimtakmin Yus péñkeraitme turamtatui nuyá wénumjai “Jesukrístun enentáimtajai” tákumka uwempraitme.

Jn. 3:16,17 Yuska ashí shuaran ti anea asa, ni Uchirín chikichik ana nuna shuaran uwemtikrarat tusa tsañkatakamiayi. Tuma asa ashí shuar Niin enentáimtana nu, jinium wécharat tusa antsu Yusaj tuke iwiaaku pujusárat tusa ni Uchirín akuptúrmakmiaji.



1 Jn. 5:11-13 Yus aentsun kajerak jinium surukat tusa ni Uchirín akupkachmiayi. Antsu uwemtikrarat tusa akupkámiai. Yus ni Uchirín timia juíti. Tuke iwiaaku pujutai nérenniuiti tura nu iwiaakmancha iin suramsaitji. Yusa Uchiríjiaj tsaniñ wekaana nú shuar, nu iwiaakmajaj iwiaaku pujuiniawai. Tura Yusa Uchiríjiaj tsaniñ wekaatsna nú shuar, nu iwiaaku átinnium pujatsui. Yusa Uchirí nekas enentáimtakrum tuke amuicha iwiaakmajaj iwiaaku pujarme. Nu nekaatarum tusan juña áatjarme.



Naṅ. 3 – 6

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Shuar Bible (jiv) ©2009 Avant Ministries in cooperation with
Wycliffe Bible Translators, Inc. All rights reserved.

<https://www.bible.com/bible/597/GEN.1.JIV>

©2025 Bible for Children, Inc.

www.M1914.org

www.bibleforchildren.org

